

Hulda Kristjánsdóttir

From: Drífa Snædal <drifa@stigamot.is>
Sent: miðvikudagur, 30. október 2024 11:49
To: Stígamót
Subject: Ósk um fjárstuðning til Stígamóta
Attachments: Bréf til sveitafélaga fyrir 2025.pdf

Ágæti viðtakandi,

Í viðhengi er ósk Stígamóta um fjárstuðning frá sveitarfélaginu fyrir árið 2025. Vinsamlegast komið þessari ósk á framfæri við viðeigandi nefnd.

Kær kveðja,

Drífa Snædal
Talskona
Stígamót
Höfðabakki 9
110 Reykjavík
S. 562-6868 og 695-1757
www.stigamot.is



Þessi tölvupóstur og viðhengi hans geta innihaldið trúnaðarupplýsingar og er eingöngu ætlaður þeim sem hann er stílaður. Ef sending þessi hefur ranglega borist þér vinsamlega gætið fyllsta trúnaðar, tilkynnið sendanda og eyðileggið sendinguna eins og skylt er skv. 44. gr. laga nr. 107/1999 um fjarskipti. Efni tölvupóstsins og viðhengja er á ábyrgð sendanda ef sá aðili tengist ekki starfsemi Stígamóta.

This e-mail and its attachments may contain confidential and privileged information only intended for the person or entity to which it is addressed. If you receive this in error, please keep the information confidential, contact the sender and delete the material from your system.

Efni: Beiðni um framlag til starfsemi Stígamóta árið 2025

Reykjavík, 30. október 2024

Ágæta sveitarstjórnarfólk,

Árlega leita Stígamót til allra sveitarstjórna landsins til þess að óska eftir fjárstuðningi og samstarfi um reksturinn og nú leitum við til ykkar. Rétt er að taka fram að öll þjónusta Stígamóta við brotþola er ókeypis.


Árið 2023 leituðu 835 einstaklingar til Stígamóta sem brotþolar kynferðisofbeldis. Þar af voru 376 að koma á Stígamót í fyrsta skipti. Síðan Stígamót voru stofnuð árið 1990 hafa um 11.000 einstaklingar leitað til okkar en síðustu ár hefur orðið mikil aukning í ásókn og rekjum við það til þess að umræða hefur opnast um kynferðisbrot og afleiðingar þess.

Nokkur árangur varð af því að vinna niður biðlista árið 2023 en 179 einstaklingar voru á biðlista í lok ársins 2023 og styttist enn á árinu 2024. Við bættum við stöðugildi ráðgjafa auk sumarstarfsfólks en fólk hikar oft við að skrá sig á biðlista og geta þeir því komið í veg fyrir að fólk leiti til okkar. Heildarfjöldi viðtala árið 2023 voru 3.264 og alls voru reknir 10 sjálfshjálparhópar fyrir brotþola ofbeldis. Stígamót bjóða upp á einstaklingsviðtöl og sjálfshjálparhópa fyrir brotþola kynferðisofbeldi af öllum kynjum óháð fötlun og uppruna. Um helmingur þeirra sem nýta þjónustuna á hverju ári búa utan Reykjavíkur.

Árið 2022 opnaði Stígamót nýja þjónustu sem heitir *Sjúkt spjall* en það er nafnlaust netspjall fyrir ungmenni 13-20 ára um sambönd, samskipti og ofbeldi. Stígamót fóru af stað með forvarnaverkefnið *Sjúk ást* fyrir tæpum sjö árum síðan og var það alveg ljóst að samhliða því vantaði lágþröskuldabjónustu fyrir ungmenni þar sem þau gætu tjáð sig um reynslu sína í trúnaði. Sjúkt spjall svarar því ákalli en frá opnun í mars 2022 hafa um fimm hundruð ungmenni alls staðar af landinu haft samband, meirihlutinn vegna reynslu af ofbeldi. Þau lýsa mörg grófu andlegu, líkamlegu og kynferðislegu ofbeldi og við sjáum líka skýrt mynstur ofbeldis í nánum samböndum þrátt fyrir mjög ungan aldur. Þrátt fyrir að ráðgjafarþjónusta Stígamóta sé fyrir 18 ára og eldri þá sýna tölur okkar, sem við höfum safnað í 34 ár, að 50-70% okkar fólks varð fyrir kynferðisofbeldi í fyrsta sinn fyrir 18 ára aldur. Það kemur okkur því ekki á óvart að mikil þörf sé fyrir Sjúkt spjall. Það er þó sláandi að sjá hvað ungmennin eiga oft erfitt með að skilgreina reynslu sína sem ofbeldi og hvað þeim þykir erfitt að segja frá í nærumhverfi sínu – þannig sitja þau oft ein árum saman í skömm, sektarkennd og þögn. Sjúkt spjall getur orðið þeirra fyrsta skref til að rjúfa einangrunina og fá aðstoð.

Síðustu tvö ár höfum við einnig lagt metnað í að miðla nýjustu og bestu þekkingunni um ofbeldi, afleiðingar þess og samfélagslegar leiðir fram á við. Við höfum haldið ráðstefnur fyrir fagfólk og eftt mjög fræðslu á samfélagsmiðlum.

Rekstur Stígamóta er háður skilningi og stuðningi opinberra aðila. Við skorum á sveitarstjórnarfólk að forgangsraða í þágu velferðar íbúanna og taka þátt í starfinu með okkur.



Með vinsemd og virðingu,
Drífa Snædal, talskona Stígamóta